

## پروفئسور ذهتابی نین یازدیگی مقاله لره اؤتری بیر باخیش

حبیب قنبرپور

دانشجوی دکترای هوا و فضا

بوتون دونیا تاریخی گؤزدن کئچیردیکده گؤرونور هر میلث اؤز طبیعی سئیرینده بعضی آچاقلیق و اوجالیقلارا راست گلیر . تورک میلثی ده بو قایدان استثنا دئیل دیر . بو میلث گاهها حکومتین آن باشیندا دایانمیش و آن ایشیقلی گونلرین یاشاتمیش و گاهها آچاقلیقلارا دوشموش و قارانلیق گونلرین کئچیرمیشدیر . هخامنشی لر، ساسانیلر و پهلویلر دؤورو

مبارزه سی نتیجه سینده بو چتین بو چتین گونلرین ایچینده آذربایجان دئمک آن قدرتلیسی دوکتور محمد زنگین و دیرلی یازیلاری و باشقا میلثلره تانیتدیرماسیندا بؤبوک " اتحاد یولو " قازننه سی، " جنایات



آذربایجان میلثی چوخ قهرمانلارینین شرایطده اؤز حیاتینا داوام ائتمیشدیر . میلثینین دادینا چاتانلارین بیری و تقی ذهتابی جنابلاری دیر . اونون چالیشمالاری بومیلثین یاشاتماسیندا و رولو اولموشدور . باغدادا چیخاتدیگی

۲۵۰۰ ساله شاهان ایران، " آیا زبان فارسی به زبانهای ملل دیگر ایران برتریت دارد؟ " و یا برلین ده چیخاتدیگی " ارک مجله سی " ... اونون پهلوی رژیمنه قارشی آپاردیگی مبارزه سینی گؤستر مکده دیر " ایران تورکلرینین اسکی تاریخی " کیتابی و " حیدر بابا تورک دونیاسی و فولکلورو " مقاله لری میلثیمیزی دونیامیلثلرینه تانیتدیرماغا چالیشیر .

بو سون ایللرده اوستاد اجتماعی مسئله لره داها آرتیق گیریشمیش و بیر نجه مقاله بو خصوصدا نشر ائتمیشدیر . او جمله ده ن ۱۳۷۷ و ۱۳۷۶ - نجی ایللرده چیخاتدیگی " قرآن و میلث " ، " حقیقت و واقعیت را بگوئیم و بنویسیم " ، " ایران مطبوعاتی و میللی مسئله " و " سوال از استانداری بوشهر " .... بو مسئله لرله ایلگیلی دیر . بیز بو مقاله ده اوستادین دؤرد مقاله سینی تانیتدیرماق زورونداییق " ایران مطبوعاتی و میللی مسئله " مقاله سی میللی مسئله نی مطبوعات طرفیندن گیزلدیلمه سینه ایشاره ائتمیشدیر .

مثلاً آقای هاشمی رفسنجانی کئچمیش جمهور رئیس ۱۳۷۶ - نجی ایل آذرین ۷ سینده تهرانین جمعه نامازیندا ائتدیگی نقطده دئمیشدیر: گویا سگگیز ایل ایراندا جمهور رئیس اولدوغو ایللرده ایراندا قومی میللی مسئله نی اونا گؤره مطرح ائتمه میشدیرکی اگر ائتسه ایدی ایراندا افغانستان کیمی اولاردی . سلام قرئتی ۱۸۸۵ - نجی سایندا بوسؤزو تام عکسینه یازمیشدیر . سلام قرئتی یازمیشدیر : آقای رفسنجانی اؤز علیه نه یازیلدیگی سؤزلرین کؤکونو ایکی یئردن آسیلی بیلیر: ایران خاریچینده استکبار جهانی و ضد اینقلابدان و نهایت میلثچی دوشونجه لردن . اوستادین اعتقادینا گؤره افغانستاندا

یارانان وضعیت میلی مسئله نین دوزگون اجرا اولماماسیندان آسیلی دیر. آیت الله منتظری آقای رفسنجانین بو سؤزونون اعتراضیندا دئیشدیر: آقای هاشمی می گوید اینجا مثل افغانستان می شود، آخه اشتباه کرده نظام که شخصی نیست. (آقای هاشمی دئیر: بورا افغانستان کیمی اولار آخی او اشتباه اندیب، نظام کیمی شخصی دئیل).

قرآن و میللت مقاله سینده میلی مسئله نین دوزلوگونو قرآن آیه لرینه اساسلانا راق ثبوت ائتمیشدیر. او مشروطه اینقلابی و اسلامی اینقلابی آراشدیر اراق یازیر: ایران تورکلری هنج بیر اینقلابدا اؤز میلی حاقلارینا چاتمامیشدیرلار. او ایرانی نئچه میللتلی بیر اولکه بیلیر و قاجار زامانی چوخ ایشلندیگی ممالک محروسه سؤزونه اشاره ائدیر. او یازیر: قاجاردان سونرا اینگلستانین اینتلی جئت سئرویس و ایراندا کی رهبری اردشیرجی ریپورتیرین واسطه سیله رضاخان ایش اوستونه گلیمشیدیر و یازیر ایراندا بیر قوی مرکزی حکومتین ایش باشینا گلهمه سینه تکجه ایرانین خئیرینه اولمادی بلکه ایرانین ایچینده کی میللتلرین تاپدالانماسینا آرتیق سبب اولموشدور.

دوکتور ذهتابی “حقیقت را بگویم و بنویسم” مقاله سینده ایران تورکلرینین سایینا

گؤره بیر استدال ائتمیشدیر کی دقته لایق دیر. اوستادا گؤره ایراندا هنج بیر رسمی منع ایران تورکلرینین سایینی دوز نشر ائتمیشدیر. و بوتون ایران ائشیکینده چیخان قاینقلار ایرانین رسمی آمارلارینا اساسلانمیشدیرلار. چون اونلار هنج وقت ایراندا گلیب آمار توتابیلمز لر. او یازیر: سر لشکر رزم آرا ۱۳۳۰-۱۳۳۳- نجو ایلدرده باش وزیر اولاندا بیر کیتاب اون جیلده «فرهنگ جغرافیائی ایران» عنوانا نشر ائتمیشدیر کی، ایچینده بیر پارا آمار ایالتلردن و ولایتلردن و کندلردن بوکیتابدا گئتمیشدیر ۰ بو آمارا گؤره کی احتمالاً ایرانین رسمی و گیزیلی آمارلارینا استناداً وئریلمیشدیر، ایران تورکلری نفوسو ایرانین نفوسونون یارسیندان بالاجا آزدیرلار. بو آمارلار ۵۶ - ۱۳۵۱-نجی ایلده بیر خاص کیتابدا رزم آرانین کیتابینا اساسلانا راق بغداددا نشر اولونموشدور. سونرا بیلیندی، رزم آرانین کیتابیندا بعضی ائللره اشاره اولمامیشدیر. کرمانین شرق بؤلگه لرینده یئرلشن افشار و پیچاقچی تورکلری، کرمان و بندرعباس (سیرجانات) تورکلری، تاختا قاپی ایالتی فاراب و کرمانین غربینده یاشایان تورکلر، خوزستانین شوش شهرینین اطرافیندا یئرلشیب و اؤزلرینی اشکانی آدلانديران تورکلر، خوراسان تورکلری، سونقور و اونون اطرافیندا یئرلشن تورکلر و... یوخاریدا آدیننی چکدیگیمیز ائللرین سایینی، رزم آرانین آمارینا داخیل اولمامیشدیرلار. دوکتور ذهتابی بو واقعیتلری نظره آلا راق، ایران تورکلرینین ۴۰،۳۰ ایل بوندان قاباق سایینی ۵۰ فاییزدان آرتیق بیلیر. بوندان باشقا آرتشین بازنشسته سرهنگی محمد رضا شعار ترک تبریزی ۱۳۴۶-نجی ایلده بیر کیتاب “بحثی درباره زبان آذربایجان” عنوانیله نشر ائتمیشدیر. مؤلفین تورک اولدوغونا باخمایاراق، اؤزو ایران تورکلرینین بؤیوک دوشمنلریندن بیریدیر و ساتقین کسروینین طرفداردی. محمد رضا شعار ۲۷-نجی صحیفه ده تورک میللتین قان ایچن و تورک دیلین معناسیز، غیرکامیل، قایداسیز و قانونسوز بیر دیل اولماسینی یازمیشدیر. اما اونون بو دشمن چیلیگینه باخمایاراق ۱۳۹-نجو صحیفه سینده بیر واقعیه اشاره اولونموشدور. او یازیر: بو گون ایرانین ۲۲ میلیون

جمعتين ياريدان چوخو توركدورلر. قابوس، امچلي، حاجيلار، راميان و خمسه نين بوتون شهرلري يعنى زنجان، بهر، خرمدره و طارم و... ده توركدورلر. او كيتابين اتك يازيلاريندا يازيلميشدير: شرقى و غربى آذربايجانيندان كى تقريباً آن آباد و جمعيتلى اوستانلاردان ديرلار، باشقا گرگان و گاميش تپه شهرستانلاريندان علاوه گنبد شهرينين ده دىلى توركجه دير. محمد رضا شعارين آرتش سرهنكى اولدوغونا اعتباراً دئمك اولاركى اودا رسمى و گيزلى آمارلاردان فايدالانميشدير. اما رسمى آمارلار ايران توركلرينين ساينى ۱۶ فايز اعلان ائتميشلر. دوكتور ذهتابى يوخاريدا گتيرديگيميز آمارلارا اساسلاناراق ايران توركلينين ساينى ۵۲ فايزدان آرتيق بيلميشدير. دوكتور ذهتابى يازير: بعضى لرى ايراندا حتى عربلرين اولماسينى دا اينكار ائتميشديرلر .

اوستاد سؤال از استاندارى بوشهر مقاله سينده بيرينجى دونيا ساواشيندا جنوب پليسى ايله ساواشان دليران تنگستان و اولارين رئيسى، رئيس على دلوارى دن بير چوخلو تعريفلر ائتميشدير. رئيس على دلوارى بير ساتقينين گولله سيله آياقدان دوشوب، صاباحى، قاشقايى توركلرى صولت الدوله نين باشچيلغى ايله جنوب پليسينه حمله ائديرلر. و نهايت ده بير چوخ فداكارلىقلارين نتيجه سينده اينگيليزليرى ايراندان ائشيگه سورمگه موفق اولورلار. اوستاد بوشهر استاندارليغينين بوشهرده رئيس على دلوارينين هيكلينى توكمه سينه اؤز صميمى تشكورلرينى بيلديرندن سونرا، يانيندا صولت الدوله نين هيكلينين اولماماسينا اعتراض ائتميش و بونو انصاف دان اوزاق بيلميشدير. بو ايشين تكمجه دليلينى صولت الدوله نين تورك اولدوغوندان آسيلي بيلير. نهايتده قاشقايى توركلرينين ايرانا خاطر گؤسترديكلى رشادتي هامينين دليل ازبرى بيلديكدن سونرا خاطرلادير: ايکينجى دونيا ساواشيندا اينگليستانين باش باخانى وينستون چرچيل، آمريكانين جمهور رئيسى روزولته يازير: هئچ وقت بو لعته گلמש قاشقايى توركلرينه اعتماد ائله مك اولماز. بونلار بيرينجى و ايکينجى دونيا ساواشيندا بيزيم دده ميزى يانديرديلار .

نهايت دوكتور ذهتابى ۱۳۷۷- نجى ايلين دى آينين بيرينجى گونو ميلتيميزى يئتم قويوب، آلاھين رحمتينه قووشور.

**روحو شاد، يولو داواملى اولسون \***